


菽
林
伐
山





山 伐 林 菽

撰 慎 楊

王雲五主編

叢書集成初編

菽 林 伐 山

中華民國二十五年六月初版

撰 者

楊

慎

發行人

王

上海河南路

五

印刷所

商

上海河南路
務印書館

發行所

商

上海及各埠
務印書館

徐

秋林伐山卷一

成都楊慎撰

宇宙

上下四旁曰宇。往古來今曰宙。人皆知之。不知其出于尸子。楊子太元曰。闔天之謂宇。闢宇之謂宙。

綺雲頽霞

綺雲之館。頽霞之臺。江淹學兔園賦中語也。

屯雲

中山王文本賦。奔電屯雲。薄霧濃霧。皆形容木之文理也。杜詩。屯雲對古城。實用其字。李易安九日詞。薄霧濃霧愁永晝。今俗本改霧作雲。

日暮

王晞詩。日暮當歸去。魚鳥見留連。俗本改暮作暮。淺矣。孟蜀牛嶠詞曰。日暮天空波浪急。正用晞語。

雲清

郁正釋訓曰。盧敖翱翔于元闕。若士竦身于雲清。本清雲而倒一字。亦奇句也。

絳河

漢武內傳。王母使女侍問武帝云。上問起居。遠隔絳河。蓋道書天有九霄。赤霄、碧霄、青霄、元霄、絳霄、齡霄、紫霄、練霄、縉霄也。絳河卽絳霄。王維詩。雲霄出絳河。

華漢

詩人稱天河曰銀河。銀潢、銀漢皆常語也。李賀曰。銀灣。江淹曰。繩河。緯書云。王者有道。則河直如繩。謝朓詩曰。華漢淳虛。用詩雲漢昭回之意。陸龜蒙云。繩河裏。扇月傍。

水虹風虹

水虹。屈霓也。主雨。風虹。月暈也。主風。水虹。滇人呼爲水椿。

皓月蘆花

楊徽之詩。新霜染楓葉。皓月借蘆花。自云。此句有神助。又作魯交詩。

榮露蕭雲

宋書符瑞志。榮露騰軒。蕭雲掩閣。緯書云。榮光羃河。休氣四塞。天地訢合。乃降甘露。是爲榮露。尙書大傳。蕭索輪囷。是謂卿雲。溫子昇詩。桐華引仙露。槐彩麗卿煙。皆用此事。文人好奇如此。齊書。卿煙玉露。且夕揚藹。

六庚

太公陰謀曰。六庚爲白獸。在上爲客星。在下爲害氣。六庚可對五丙。見後。

雲名

雲狀有若犬若馬若白鵠若衆車有其狀若懸釜而赤其名曰雲輪呂春秋明理篇韓雲如布趙雲如牛楚雲

如日宋雲如車魯雲如馬衛雲如犬周雲如輪秦雲如行人一作佳人又作美人魏雲如鼠齊雲如絳越雲如龍蜀

雲如困兵書冬至初陽雲出箕如樹之狀○立春少陽雲出房如積水○春分正陽雲出軫如白鵠一作鵠

謝朓詩○穀雨太陽雲出張如車蓋○立夏初陰雲出黼赤如硃一本作赤○夏至少陰雲出參如水波

○寒露正陰雲出井如冠纓○霜降太陰雲出鬼上如羊下如蟠石易通卦驗八節占雲○吹雲陳思王有吹雲贊賈雲如吹綸絮也

○妬羅雲雲如羅也華嚴經○妙髮雲雲如美人髮華嚴經○樓閣雲同上虞邵菴重閣詩手○蕭雲宋書符瑞志見前註○蘭

雲南齊書日子雕雲符瑞志雕雲自成五色備鳳暗合八○散髮雲漢五行志有雲如發風粉雲蔣撝詞

起天未○鱗雲山谷詞練○涼雲李賀詩雨覆車雲京房易占云黃雲○商雲日雲三色爲商○皂雲東方朔占

赤縉雲緯書立秋濁陰雲出如赤縉○蒼雲春秋文曜鉤云楚有蒼雲如霓園軫七曜中有荷莽之○

含峰雲唐太宗詩○泄雲蜀都賦窮岫泄雲日月恒油雲孟子山雲草莽水雲角鱗旱雲烟火涔雲水波

呂寶光雲元好問詩兜羅綿界寶光雲○涔雲雨雲也

五行偏傍

森森森森宋人名字

放春發春行春班春

古者諸侯迎春于東郊齊曰放春見管子楚曰發春見楚辭漢書太守有行春班春之文

藝林伐山 卷一

駛雨

西陽雜俎·河水色渾駛流·尸子·黃河龍門·駛流如竹箭·

元好問詩駛雨東南來自注駛與快同見魏志趙松雪有駛雪帖

雲華

金國仙人王子可詩詞多用雲華字見中州集元好問詩剝裂雲華瀆月秋又寶官寺聯云七重寶樹圍金界十色雲華擁畫梁○雲文也又石文似雲亦曰雲華古三墳書日雲赤曇月雲素曇

劉因登寺閣詩雲華寶樹認

當眼

若光滋景

江淹詩屬我磁景半賞爾若光初磁景崦嵫之景若光若木之光一喻老一喻少也

黃雲

春秋運斗樞曰黃雲四合女訛驚邦感精符曰妻黨翔則黃雲入閣謂女謁盛也淮南子曰黃天之氣上爲黃雲下爲黃埃江淹詩河洲多沙塵風吹黃雲起李太白詩黃雲城南鳥欲栖

補文選註之未備

九虹

春秋感精符曰九女並譌則九虹並見○緯書凡曰女訛者謂嫡庶失敘也

拒雲槩日

潛山一名天柱山三峯鼎峙拒雲槩日

吳泉

吳泉卽虞淵也。吳古虞字。省文如康之省爲乎。禮之省爲祖也。唐人避淵爲泉。避神堯諱也。河圖緯象云。邪之隘上爲扶桑。日所升。宣陸之阻上爲吳泉。月所登。

日寸月尺

范子計然曰。日者寸也。紀刻而成晷也。月者尺也。紀度而成數也。

貯雲含霧

柳子厚答楊於陵寄筆詩。貯雲含霧到南溟。意謂筆未經用也。

纈夏元冬

太元註。萬物豐于纈夏。耗于元冬。

紫蜺喬雲

太元曰。紫蜺喬雲。朋黨曰。君子小人並進之象也。測曰。紫蜺喬雲。不知刊也。紫蜺以象小人。喬雲以象君子。言紫蜺當刊。喬雲當慶也。

雪華雹實

埤雅曰。雪六出而成花。雹三出而成實。

秋林伐山卷二

飛谷

劉向九歎結余軫于西山兮橫飛谷以南征王逸註飛谷日所行處道也

金轡

宋人秋日書啓金轡秩序玉宇專涼又金顯平分碧虛如拭皆奇語

轡與轡同禮記秋摯也

駁霞

袁翻思歸賦駁霞兮絳霧○韓文雲陰解駁日光穿漏

雷電

雷從回電從申陰陽以回薄而成雷以申洩而成電也

云字義

古文云字象雲回轉之形蓋陰陽之氣自下而上阻于一則爲亏

音考

應于二則爲亏

與于同莊子曰於以蓋象衆氣之舒也

應于三而盤薄則爲云又爲云爲之云有應而言也易曰變化云爲如云象母猴

朝雲暮雨

朝雲喜晴暮雲喜雨故宋玉賦曰朝爲行雲暮爲行雨

雲出地氣

晉天文志韓雲如布

云云見前
雲名條內

至秦雲如美人雲出地氣地氣異矣故雲之成象亦不同

上已詩

王融上已詩粵上斯已惟暮之春

二句古雅○詩評四言詩
三百篇之後曹植王融

颶風

韋昭曰颶風之聚隈者也古音庖風又音暴詩曰終風且颶

繩河扇月

陸龜蒙樂府繩河裏扇月傍緯書天子神聖則天河直如繩江淹宗室表麗彩繩河映萼璿圃又瑤離降映繩河低文

雪窖冰天

歎馬角之不生魂消雪窖攀龍髯而莫逮汨雨冰天

洪皓祭徽
宗文

風行水上

文選賦有物色一類李善云有物有文曰色風雖無玉色然亦有光毛萇詩註云風行水上曰漪易曰風行水上渙渙渙然即有文章也按老泉文甫字說本之易衍之詩註而發其旨者李善也○今按風亦可言色楚辭云光風轉蕙汎崇蘭王逸注云雨止日出而風草木亦有光也樂府今朝風色好是風亦可言

色。

香雲香雨

雨未嘗有香也。而李賀詩：「依微香雨青氛氲。」元微之詩：「雨香雲淡覺微和。」雲未嘗有香。而盧象詩云：「雲氣香流水。」

雲藪

國語有藪曰雲連徒洲。雲藪，雲夢之藪也。徒洲，洲名。

弔月

錢起詩：「月弔啼鳥寒鴉起。」○李賀詩：「蟪蛄弔月曲欄下。」

芬月

沈佺期詩：「芬月期來過。」又稱芳月。

天池天塹天藏

海曰天池。江曰天塹。鹽曰天藏。

日斜曰嘯移音

越絕漁父歌：「日昭昭浸以嘯。」日斜也。遼左有東嘯縣。賈誼賦：「日斜庚子。」斜音移

颶風

嶺表錄云。颶風之作。多在初秋。過白露。雖作不猛矣。南越志。颶母卽孟婆。春夏間。有暈如虹。是已。則以虹爲颶母爾。凡此風作。先一二日。片雲漫空疾飛。海人呼爲颶潮風。東廣泛海者。曰犁頭雲。蘇過颶風賦云。斷蜺飲江而北指。赤雲夾日以南翔。此颶之漸也。○說文从具。謂具四方之風。蓋北人不知南方之候。誤以貝爲具也。

紫磨素雯

佛書有紫磨金。王半山詩。紫磨月輪升靄靄。三墳書。月素雯。雯。雲成文章也。

颶風

音蕭

淮南八風。一曰颶風。卽不周風也。莊子。至陰颶颶。亦作颶。○至霧颶颶。至易怒。古赫字。又作颶。

耀晷

紅鏡開炎。耀晷方畏。續錦帶集。

渴日兢辰

魏董遇字季真。從學者苦渴日。遇言。當以三餘。夜者日之餘。冬者歲之餘。風雨者時之餘。渴日可對兢辰。

輕瓊冷絮

唐小說雪詩。有輕瓊冷絮舞長空之句。

秋林伐山卷三

陰火

海中漚出魚鱗。置陰處有光。初見以爲怪。常推其義。蓋鹹水所生。凡海中水。遇陰晦。波如然火滿海。以物擊之。迸散如星。有月卽不復見。木元虛所云。陰火潛然。豈謂是乎。續表錄異

四時山

春山淡冶而如笑。夏山蒼翠而如滴。秋山明淨而如粧。冬山慘淡而如睡。郭

四地山

海山微茫而隱見。江山嚴厲而峭卓。溪山窈窕而幽深。塞山童顙而堆阜。鑿氏耳目志

遠水如岸

海濱之人曰。遠望海水。似高于地。有如岸焉。蓋水氣也。煬帝望海詩曰。遠水翻如岸。遙山倒似雲。

寶盃泉

寶盃泉在江州。徐陵文。泉流寶盃。遙憶湓城。峰號香爐。依然廬岳。

鞠旅湓池

陳霸先九錫文曰。鞠旅湓池之南。陳師桂嶺之北。以此考之。霸先曾至湓矣。

淺澗

淺澗、湔澗、湔澗、湔澗、皆水聲也。

錢園山

錢園山在西天。佛經所稱。不知的在何處。唐初宋昱詩。梵宇開金地。香龕鑿錢園。

江淮名山圖

遠公畫江淮名山圖。而畫譜寶鑑。竟不知遠公善畫也。慎謂晉人無不文藻風韻。遠公禪學之外。能畫工詩。又註詩經。是僧而兼儒也。近日學禪士夫。乃束書不觀。口無雅談。手寫訛字。寧不愧于僧徒乎。

九折坂 七勝城

九折坂在黎州。七勝城在三峽口。陸法和所立。

真丹

王半山和俞秀老禪思詞曰。茫然不肯住林間。有處卽追攀。將他死語圖度。怎得離真丹。漿水價。匹如閑也。須還何如直截。踢倒軍持。贏取瀉山。○此詞意。勸秀老純歸于禪。住山不出遊也。真丹。卽震旦也。軍持。取水瓶也。行腳之具。踢倒軍持。勸其勿事行脚也。瀉山和尚。欲謀住山曰。此山名骨山。和尚是肉人。骨肉不相離。言人不當離山也。皆用佛書語。漿水價也。須還。則用列子五漿先饋事。

塞北江南

杜氏通典諱涼州云地勢之險可以自保于一隅財富之殷可曰無求於中國故五河相繼與五胡角立
中州人士避難者多往依之蓋其風土之可樂如此唐韋蟾詩曰賀蘭山下果園成塞北江南舊有名稱
其爲塞北之江南以此

天尺

元好問送劉時舉節制雲南詩雲南山高去天尺漢家弦聲雷破壁九州之外更九州海色澄清映南極
幽并豪俠喜功名咄嗟顧盼風雲生今年肘後印如斗過眼已覺烏蠻平諡蜀相如今老矣不妨銅柱有
新銘天尺二字可以名樓

沙嶽

擁沙成嶽也見海賦

神龜仙的

梁宣帝七山寺賦神靈岳岳而獨立仙的皎皎以孤臨壑之凸凹者曰霽峰之尖射者曰的

圭里

高士傳李宏字仲元蜀人居成都之圭里里人化之斑白不負戴男女不錯行宏嘗爲縣令鄉人共送之
元無心就行因共酣飲月餘太守使人促之仲元曰本不之官

纂嶺

武當山一名纂嶺。輕霄蓋其上。白雲帶其前。

天谷

青城山一名天谷。今作天國非。

包山無三班

包山舊無三班。謂蛇、虎、雉也。侯景之亂。乃有蛇、虎。○或問雉亦文鳥。何以與虎、蛇爲伍。曰雉與蛇交。有雉之地。必有蛇也。

樹溪

王韶之始興記。連州水下流有樹溪。一日十溢十竭。○安寧州有潮泉。一日三溢三蘄。貴州城外有漏洑。一日百盈百涸。應漏刻焉。

天墜山

楊雄蜀本記曰。有王曰杜宇。出于天墜山。有朱提氏女。爲杜宇妻。號曰望帝。

天轡

四海鼎沸。天轡將移。袁宏與范曾書。

樂些城

唐書。驃國之地。南盡溟海。卽今溟海。

北通南詔。樂些城。北距陽苴咩城六千八百里。樂些。卽杜詩所謂和親。